

optužnica - 03.06.2008.

kantonalno tužilaštvo KS podiglo je optužnicu 22.5.2008.godine i ista je potvrđena u Kantonalnom sudu u Sarajevu 25.5.2008. godine. na ročištu održanom 3.6.2008.godine optuženi se izjasnio da nije kriv.

PROTIV:

JOVIČIĆ NEMANJE, zvan Manja, rođen 02.01.1961. godine u selu Doljani, Općina Hadžićineosudživan, nalazi se pritvoru KPZ Sarajevo od 29.11.2007. godine po rješenju Kantonalnog suda u Sarajevu broj Ki-297/01 od 27.12.2001. godine, koji je produžen rješenjem istog suda broj 009-0-Kv-07-000 386 od 28.12.2007. godine i rješenjem Vrhovnog suda Federacije Bosne i Hercegovine broj 070-0-Kv-08-000 003 od 26.02.2008. godine, a koji pritvor po navedenom rješenju može trajati do 29.05.2008. godine do 15,15 sati

Što je:

Za vrijeme rata u Bosni i Hercegovini u toku 1992. godine, na području općine Hadžići, koja se nalazila pod kontrolom Vojske Republike Srpske, kao pripadnik bataljona Hadžići navedene vojske učestvovao u napadu na naselje Hadžići, nezakonitom lišavanju slobode, mučenju i nečovječnom postupanju, silovanju i pljački imovine nesrpskog civilnog stanovništva navedene Općine postupajući na taj način protivno pravilima Međunarodnog humanitarnog prava i to članu 3. stav 1. tačka a) i c), članu 27. i 33. IV Ženevske konvencije o zaštiti civilnih lica za vrijeme rata od 12.08.1949. godine i članu 51, 75. i 76. Dopunskog protokola o zaštiti žrtava međunarodnih oružanih sukoba uz Ženevske konvencije od 12.08.1949. godine, tako što je:

1. Dana 20.06.1992. godine oko 11,00 sati, naoružan i u uniformi, došao do stana oštećene koji se nalazi u Hadžićima u ulici Slobodana Principa , zalupao na vrata, pa kada je oštećena otvorila ulazna vrata stana raspitivao se o njenom suprugu i djeci, te nakon što je provjerio da je oštećena sama u stanu, ugurao je u spavaću sobu, natjerao da se skine, a potom da legne na krevet prijeteci joj da će je ubiti ukoliko bude vikala i plakala, nakon čega je silovao, a zatim joj se obratio riječima „eto balinkuro da vidiš kakav je četnik i da znaš da mi je ime Nemanja“, otišavši u kupatilo, a po izlasku iz istog zaprijetio oštećenoj da nikome ne smije reći šta se dogodilo

2. Početkom jula 1992. godine u uniformi bivše JNA došao u stan u ulici Igmanska, općina Hadžići, naoružan automatskom puškom, pištoljem i nožem i iz stana izvao oštećenu , govoreći da je vodi u poštu kako bi se javila roditeljima na telefon i odvezao je u naselje Binježevo, uvao u jednu kuću koja se nalazi u blizini autobuske stanice, odveo na sprat kuće, a zatim grubo naredio „skidaj se“, pa je ista iz straha za vlastiti život to i učinila, gurnuo je i bacio na krevet, a potom izvadio nož koji je držao za pasom, kao i pištolj, stavivši oružje iznad njene glave, nakon čega ju je silovao, da bi je nakon pola sata ponovo vozilom vratio kući, zaprijetivši joj da nikome ne smije reći šta je uradio, jer će doći i ubiti je, kao i njenog supruga i djecu

3. U periodu maj-juni 1992. godine naoružan i uniformisan zajedno sa drugim pripadnicima

vojnih i paravojnih formacija učestvovao u napadu na naselje Hadžići i zauzimanje istog od strane VRS vršeci pri tom zastrašivanje, nezakonito odvođenje civila bošnjačke nacionalnosti među kojima su bile i žene sa djecom u Kulturno-sportski i rekreacioni centar u Hadžićima, garažu i zgradu Općine Hadžići, gdje su bili izloženi teškom fizičkom i psihičkom zlostavljanju od strane optuženog i drugih vojnika, a među kojima S. A., H. E., Š.M., Š. M., D.H., T.V., D. I., R. Č., D. H., H. K., O. E. i P. M, te vršio pretrese kuća i stanova, pljačkao njihovu imovinu, a nakon njihovog zatočenja povremeno dolazio u logor i odvodio na prisilni rad, da bi u navedenom periodu naoružan i uniformisan, zajedno sa Krstić Draganom iz stana u ulici 12. hercegovačke brigade u Hadžićima, odveo H. B., od kada mu se gubi svaki trag, te se vodi kao nestalo lice od strane MKCK

4. Sredinom maja 1992. godine sa još dva pripadnika VRS, po prezimenu Milošević, koji su držali stražu, došao u stan B. A., koji se nalazio u ulici 27. juli u naselju Žunovnica, kojom prilikom je vršeci pretres stana pronašao i otudio 45 ručnih i džepnih satova vlasništvo B. A., te od B. A. otudio 4.700,00 DEM iz džepa kaputa, da bi prilikom napuštanja stana zaprijetio da ne smije nikome reći šta se desilo u stanu, nakon čega je B. A. sa još nekoliko mještana iz ulice 27. juli odveo do općinske garaže gdje ga je osumnjičeni tukao rukama, nogama i gumenom policijskom palicom, zajedno sa Gašević Zoranom, a zatim ga uveli u jednu kancelariju radi ispitivanja i nastavili tući još pola sata, da bi ubrzo doveli i njegovog oca B. A. vidno pretučenog, te ih obojicu nastavili naizmjениčno premlaćivati, a potom ih sa drugim mještanima odveli u Sportsku dvoranu Hadžići, gdje je A. bio uključen u radni vod u kojem je obavljao razne teške fizičke poslove

5. Početkom mjeseca juna 1992. godine u selu Sutice, Općina Hadžići sa još 9 pripadnika srpske vojske, uniformisan i naoružan automatskom puškom, rasporedio vojnike oko kuće H. K., nakon čega je pozvao braću H. K. i E. da izađu iz kuće, a zatim ih skupa sa njihovim ocem H. M. lično odveo u logor koji se nalazio u zgradi Općine Hadžići u kojem su bili fizički zlostavljani od strane vojnika VRS, da bi od posljedica premlaćivanja H. M. dana 08.06.1992. godine preminuo, a H. K. tukao zajedno sa Veselinović Radom i Gašević Zoranom, dok se H. E. gubi svaki trag, te se vodi kao nestalo lice od strane MKCK, a zajedno sa 3 pripadnika VRS iz stana u naselju Barake odveo H. Z., njegovu suprugu S. i troje mladb. djece u naselje Binježevo da bi na obližnjoj farmi Z. tjerali da obavlja poslove za njihove potrebe, gdje su boravili oko 20 dana, da bi H. S. po povratku u stan iz kojeg su odvedeni psujući joj "balijsku majku" rekao da supruga Z. vidi zadnji put, nakon čega je Z. odveden i od tada mu se gubi svaki trag, te se vodi kao nestalo lice od strane MKCK

Dakle, kršeći pravila Međunarodnog humanitarnog prava izvršio silovanja civila, primjenjivao mjere zastrašivanja civila, nezakonito odvođenje, zlostavljanje, nečovjечно postupanje i pljačku njihove imovine

Čime je počinio krivično djelo ratni zločin protiv civilnog stanovništva iz člana 142. preuzetog KZ SFRJ.